



चमत्कार के दिन



विमल अपन अटो रिक्साके घिचके रोडके साइडमे लेगेल। दिनभरमे बहुतसारा पैसेन्जर होलाके बाबजुद विमल खुसि नरहे। ओकरा दिमागसे अपना वियाहके बाते न हटित है। हरदम अपना वियाहके बारेमे हि सोचित रहिछै। विमलके सम्बन्ध बिगरैत रहलइ।

विमल अपनम कनिया सिमा के बहुत प्यार करिछै लेकिन ऊ अपने आपके सिमाके पिटैसै नरोक पबिछै। हर कुछ दिनमे सिमाके पिटित रहिछै। सिमा विमलके गुस्सा दिलादेहलई। विमल यी सब न चाहित है, लेकिन यी होजाइत रहलै।

कोइ पुजा प्रतिष्ठानमे सिमाके शरीरमे आत्मा अएलाके कारण सिमा जोर जोरसे नाचे, अपना शरीरके काबूसे बाहर होजाए और ऊ अपने कपडा फारलेबे। विमल के ओह तरीका ना भावल जेसे सिमा खुद पे काबू खो देली। विमल सिमाके पुजा प्रतिष्ठानमे जायल बन्द करेला कहलकइ लेकिन सिमा न एक न सुनलइ। सिमा जव पुजामेसे घरे अबैत रहलै त सिमाके कपडा फाटल, मुहपर बलीके खून सब देखके विमलके और गुसा आजाइत रहलैय और ओकरा और पिटित रहलै।

सिमा दु वार प्रग्नेन्ट रहलै लेकिन ओकर उन्मादी पुजापाठके कारण गर्भपात होगेलई। सिमा और जादा जिद्धी होगेलइ साथमे विमल ओर गुसेल, दुखी आ दोषी हागेल।

एक बढिया रास्ता

जइसे हि विमल अटो रिक्सामे बैठल, ऊ एगो अच्छा रास्ताके इच्छा कयलक। अचानक, विमल रोड नजिकेके विल्डिंगसे आवाज सुनलक। उहमा बच्चासव आ जवान सब रहे, और ऊ सब वहा कथा सुनइत रहे।

कथा कहेबाला एगो आदमीके बारेके कहित रहे जोन अपना समस्यासे भागैत रहे। ऊ अपना जुडवा भाईके धोका देले रहलइ आ ओकरा एतना न दुख देलेहै कि अब अपने जान सताबे लागल। जब ऊ भागल त जंगलमे जाके सुत गेल। ओकरा पास कुछो न रहे अच्छा निंदके लेल सिवाय पथलके सिरहनी बनाबेके। ओकरा अब पछताबा होयलागल ओकरा किया करायपे कयला कि ऊ अपना परिवारके तोड देले रहे।

यी सब विमल नजदिक से सुनलक। बिमल जनइत रहे कि ऊ आदमीके केना लागल होतइ।

कथा कहेबाला वहासे चलगेल। जब ऊ आदमी सुतलक त एगो ऊ सपना देखलक। ऊ एगो स्वर्ग तक पहुंचेबाला सीढ़ि देखलक। परि सब सिढ़ीसे निचा उपर अबित जाइत रहे त ओकरा अइसन लागल जइसे परि ओकरा लागि आर्शिबाद लेके अबिछई। जब ऊ निंदमेसे उठलक त ऊ पनेआपक बहुत खुस महसुस कयलक। ऊ जोन पथलके सिरहनी बनयले रहलक ओही पथलसे ऊ अपना परमेश्वरके लागि एगो स्मारक बनयलक। ऊ स्वर्ग जायबाला सिढ़ी ओकरा परमेश्वरसे जोरदेलक ओर ओकरा अब लागेल अब सब कुछ ठिक होजतई।

एक नया किताब

जब सब लोग उहासे चलगेल त विमल ओइ घरमे लजाइते पइसलक।

“शुभ सब्बत,” कथा कहेवाला विमलके स्वागत कयलक।

“यी सब्बत मतलब?” विमल जानेके इच्छासे पुछलक।

जब हमनी इ सब्बतके शनिचर दिन

पुजा करी छी त, अमनी संसार

निर्माता परमेश्वरके प्रति भक्ति देखाके

आशिर्वाद लेइछियइ।

“हम निर्माता परमेश्वरके आराधना करि छियइ” ऊ कथा कहेबाला कहलक। “और ऊ हमनीके आराधना करेला कहलक सब्बतके दिन, हप्ताके सतबा दिन कयलाकी ऊ यी संसार छ दिनमे बनलकइ। जइसे ऊ आदमीके सपनाबाला सिढी धरतीसे स्वर्ग तक जोडल है ठीक ओइसे सबाथ हप्ताके एगो पवित्र दिनहै जोन परमेश्वर से जोरी छै। जब हमनी इ साबथके दिन पुजा करी छी त, अमनी संसार निर्माता परमेश्वरके प्रति भक्ति देखाके आशिर्वाद लेइछियइ।”

विमल ऊ दुनु जुडवा भाईके कहानी से भावुक होगेल। “यी कहानी कहासे मिललो?”

“यी कहानी बाइबलसे है, जोन परमेश्वर यीशु मसीह के किताबमे है।” कथावाचक अलमारी सँ पुस्तक निकाललन आ विमल के दे देलन। “अहा येइ किताबमे यी कहानी सब पढसकी छि।”

विमल ओइ आदमीके धन्याबाद कहलकै आ ऊ एगो नया किताब लेके अपना घरके ओर प्रथान कलकै। ऊ पढते समय अच्छा महसुस कयलक आ फेर अगला शनिचरके वहा फेर गेल। जब ऊ वहा शाँतसे बइथके प्रभु येशु मसीह के पुजा कयलक तब ओकरा हृदयमे कुछ अछा महसुस होयलागल।

एक बदलल इंसान

एक दिन, जब विमल ऊ अपन नया किताब पढलक त ओकरा एगो लाइन देखलक “अहाके पता न है कि अहा यी मंदिरके परमेश्वर छि, ओर परमेश्वरके आत्मा आहाके भितर है?” (१ कुरिनिथायन ३:१६) येतनेमे ओकरा दिमागमे बति बरल। ऊ सोचलक कि जब आदमीके शरीर परमेश्वरके मंदिरहै त, ओकरा चोट पहुचाबेके अधिकार केकरो न है। हमहु अपना कनियाके अब न मारबै।

विमल पहिलहियो अपना कनियाके नपिटेके कोशिस कयले रहलै लेकिन अबकि बार नपिटेके कोशिस कामयाब होगेल। विमलके पता रहलै कि बाइबल किताब पढके आ सब्बाथ के दिन आराधना करैत ओकरा परमेश्वरसे जोडदेतै, जोन ओकरा

साचोके हृदय बदलेमे मद्धत कलकड़। ऐसन लागल जेसे कोनो परमेश्वरके हाथ ओकर छाती से कठोर हृदय निकालके ओकरा जगह नरम ओर दयालु हृदय दे दिहलन।

फेरसे आपसी मेलजुल!

बहुत सालतक, विमल हर पवित्र सब्बतके दिन परमेश्वरके आराधना करते गेल। धीरे धीरे ओकर कनिया सीमा, विमलमे कुछ बदलाब होयत देखलक। विमल अब ओपना कनियाके तनको न मारे। जवकि, और ऊ दयालु और भलादमी होगेल।

अबतक सिमा बहुत थाकल आ उदास होगेल रहे। ऊ देखलै कि विमल प्रभु यीशु मसीह के पुस्तक पढ़के हमेशा बड़ शांत रहैत छै आ शनिवार के आराधना सँ घर वापस आबैत छै। अन्तमे, ऊ सिमाके अपना साथ जायला कहलक त सिमा जायला रेडि होगेलक।

“सब्बत अपना परिवारके लागि एगो खास दिन है,” विमल कहलकै। “यी एगो ऊ दिन हे जहिया हमनीके परमेश्वर अपनासे जोरेला नेबता देले रहलइ। जब हमनी परमेश्वरसे एना जुडि छियइ त परमेश्वर चमत्कार करइ छै। हमरा पता है हमर कनिया आ हमर एगो अच्छा बैबाहिक जीवन बनगेल कयलाकि हम हरदिन खास करके सबाथके दिन परमेश्वरके आराधना करेके सिखली। सब्बतके आशिरवादसे हमनीके परमेश्वर आ एक दुसराके और नजदिक लयलक।”

आइके दिनमे, विमल आ सिमाके बैवाहिक जीवन ओकर दुगो बच्चाके साथ अच्छा चलरहल है। ऊ दुनु अपना पडोसीसबके भि साबथ के आशिरवादके बारेमे बतयलक।

अगर अहा सबके सब्बत के बारेमे और जादा जानकारी चाहि अथवा बाइबल किताब चाहि त, कृपया यी पेपरके पछाडी देल जानकारी पर सम्पर्क करु।

Copyright © 2023 by Sharing Hope Publications. ई काम के बनि इजाज़त गैर-व्यावसायिक मकसद से छापल आ बाँटल जा सकेला।

शास्त्र न्यू किंग जेम्स वर्जन® स लेल गेल। कॉपीराइट © 1982 थॉमस नेल्सन द्वारा। अनुमति सँ प्रयोग कयल गेल। सब अधिकार सुरक्षित।

और जानकारी



माफी के खोजी



अंतिम मुक्ति

और जानल खातिर QR कोड के
स्कैन करीं ।

